

『百丈廣錄校注藁』補遺(2)

坂内 榮夫

本稿は二〇一〇年に公表した、『百丈廣錄校注稿』(以下、『廣錄校注』と稱する)岐阜大學教育學部 哲學研究室刊)の注釋部分を補足したものである。先に公刊した『百丈廣錄校注藁』補遺(岐阜大學 教育學部 研究報告 人文科學 63-2 2014)の續編にあたる。なお、『百丈廣錄』について詳しくは、前稿の前書きや『廣錄校注』の「覺書」を見られたい。

凡例的な事を書いておくと、標目の下にある數字は、上が『廣錄校注』のページ數と行數、下が底本のページ數、上段下段の別(○は上段、△は下段)、行數である。底本は開元寺版『天聖廣燈錄』を使用している(《柳田聖山編『禪學叢書五 天聖廣燈錄』(中文出版社刊)》。なお、本稿の最後に、前稿の補足を付載した。

【牽犁負重】60-04/422b-14

『莊子』盜跖 29 「今富人。耳營鐘鼓管籥之聲。口嘍於芻豢醪醴之味。以感其意。遺忘其業。可謂亂矣。伎溺於馮氣。若負重行而上阪。可謂苦矣。貪財而取慰。貪權而取竭。靜居則溺。體澤則馮。可謂疾矣。」 七十八頁「執勞負重」

【無依人】60-06/ 422b-15

『臨濟錄』「唯有聽法無依道人。是諸佛之母。所以佛從無依生。若悟無依。佛亦無得。若如是見得。是真正見解。」 同「大德。

覓什麼物。現今目前聽法無依道人。歷歷地分明。未曾欠少。」

【見佛想】61-02/422b-19

『大方等大集經』卷10「我於爾時。都不聞是授記音聲。亦無佛想及授記想。我於爾時。三種淨慧。不見我想。不見佛想。及授記想。」(T13-67a)。『大方廣佛華嚴經』卷31「十迴向品」以無著無縛解脫心。修習普賢菩薩行願。得佛灌頂。於一念中入方便地。成滿安住衆行智寶。悉能了知一切諸想。所謂。衆生想。法想。……成熟想。見佛想。轉法輪想。聞法解了想。……」(T10-166c)

【猶降二鐵圍山】61-03/422b-20

『宛陵錄』「我向汝道。等閑無事。莫謾用心。不用求真。唯須息見。所以內見外見俱錯。佛道魔道俱惡。所以文殊暫起二見。貶向二鐵圍山。文殊即實智。普賢即權智。權實相對治。究竟亦無權實。唯是一心。」(P.108) 同「云。今正妄念起時。佛在何處。師云。汝今覺妄起時。覺正是佛。可中若無妄念。佛亦無。何故如此。爲汝起念作佛見。便謂有佛可成。作衆生見。便謂有衆生可度。起心動念。總是汝見處。若無一切見。佛有何處所。如文殊纔起佛見。便貶向二鐵圍山。」(P.118) 『諸佛要集經』卷下「天王如來告文殊曰。來至於此欲何所觀。文殊白曰。唯然世尊。我在忍界心自念言。諸佛興世甚難得。講說經典亦復難遇。十方諸佛不可稱數億百千載。悉來集會普光世界。宣要集法。吾當往詣。見諸如來聽所說法。以法故舉。詣此佛土。天王如來

即如其像。三昧正受而現神足。移文殊師利。自然立於鐵圍山頂。不自覺知。誰為擧著。於此山頂。於彼自念今何變怪。吾在大眾。巍巍難量。威神殊絕。處諸大聖嚴淨道場。忽至于此。住鐵圍頂。誰之所為。尋即知之。天王如來之所興變。」(T17-763a)

【作標則】 61-04/422b-21

『景德傳燈錄』卷17「寶蓋山和尚」問。世界壞時。此箇何處去。師曰。千聖尋不得。曰。時人如何歸向。師曰。直須似去。曰。還有的也無。師曰。不立標則。」(T51-339a)

【名如意寶】 61-07/422b-23

『大智度論』卷10「序品」「如意珠出自佛舍利。若法沒盡時。諸舍利皆變為如意珠。譬如過千歲冰。化為頗梨珠。」(T25-134a) 『同』卷59「校量舍利品」「摩尼寶珠。於頗梨。金銀。車璩。馬瑙。琉璃。珊瑚。琥珀。金剛等中。是何等寶。答曰。有人言。此寶珠從龍王腦中出。人得此珠。毒不能害。入火不能燒。有如是等功德。有人言。是帝釋所執金剛。用與阿修羅鬪時。碎落闍浮提。」(T25-478a) 『大寶積經』卷110「佛告大藥。譬如有入貧窮不能自濟。忽然遇如意寶珠。彼人得珠。執已所造如意。即得稱成樓觀池臺。城門坑塹。周匝高門。園林華果。枝華翳鬱。彌覆其上。及餘資財諸物。皆悉如心自然化作。」(T11-620b)

【入火不燒。入水不溺】 63-02/423a-09

『大智度論』卷57「寶塔校量品」「復次。如外道神仙呪術力故。入水不溺。入火不熱。毒蟲不螫。何況般若波羅蜜是十方諸佛。所因成就呪術。」(T25-464b) 『莊子』「秋水」「知道者必達於理。達於理者必明於權。明於權者不以物害己。至德者。火弗能熱。水弗能溺。寒暑弗能害。禽獸弗能賊。」『達生』「至人潛行不窒。蹈火不熱。行乎萬物之上而不慄。請問何以至於此。」

【法塵垢】 66-09/423b-03

『玄沙廣錄』卷下「上德云。情存聖量。猶落法塵。已見未忘。還成滲漏。不可道持齋持戒。長坐不臥。息念觀空。凝神入定。便當去也。」(P.118)

【三塗】 67-01/423b-05

『翻譯名義集』卷2「阿波那伽低。經音義此云惡趣。有三惡趣。亦名三塗。言三塗者。據華云。塗道也。論語云。遇諸塗。按四解脫經云。地獄名火塗道。餓鬼名刀塗道。畜生名血塗道。塗有二義。一取殘害義。塗謂塗炭。如尚書曰。民墜塗炭。二取所趣義。塗謂塗道。如易云。同歸而殊塗。然春秋言。四獄三塗。應法師云。春秋有三塗危險之處。借此為名。通慧云。有本作途非也。須作塗泥之塗。後人妄云。畜生餓鬼地獄。名三塗。當知此單指地獄也。然此指歸之說。非但違於吾教。四解脫經刀血火三之文。又復誣其應師音義。後學尋檢。自見妄立。」(T54-1092a)

【外道】 68-01/423b-10

『妙法蓮華經』卷2「譬品」「其人不復。志求餘經。亦未曾念。外道典籍。如是之人。乃可為說」(T09-16b) 『維摩詰所說經』卷1「弟子品」「若須菩提不見佛。不聞法。彼外道六師。富蘭那迦葉。末伽梨拘賒梨子。刪闍夜毘羅胝子。阿耆多翅舍欽婆羅。迦羅鳩駄迦旃延。尼犍陀若提子等。是汝之師。因其出家。彼師所墮。汝亦隨墮。乃可取食。」(T1-4540b)

【詔曲修羅】 68-09/423b-19

『大方廣佛華嚴經』卷3「盧舍那佛品」「離諸詔曲心清淨。廣大慈悲無邊際。深心淨信無厭足。彼聞是法喜無量。」(T09-4091b) 『佛垂般涅槃略說教誡經』卷1「汝等比丘。詔曲之心與道相違。是故宜應質直其心。當知詔曲但為欺誑。入道之人。則無是處。是故汝等。宜應端心。以質直為本。」(T12-1111b) 『六祖

大師法寶壇經』「師示衆云。善知識。一行三昧者。於一切處行住坐臥。常行一直心是也。『淨名』云『直心是道場。直心是淨土。』莫心行詔曲。口但說直。口說一行三昧。不行直心。」(T48-352c) 『馬祖語錄』「無量劫來。凡夫妄想。詔曲邪僞。我慢貢高。合爲一體。」 『景德傳燈錄』卷14「藥山」僧問。如何是道中至寶。師曰。莫詔曲。曰。不詔曲時如何。師曰。傾國不換。」(T51-311c)

【麴體眞士】 69-05/423b-23

『景德傳燈錄』卷29 梁寶誌和尚「大乘讚十首」可笑衆生蠢蠢。各執一般異見。但欲傍鑿求餅。不解返本觀。是正邪之本。由人造作百變。所須任意縱橫。不假偏耽愛戀。無著即是解脫。有求又遭羅網。慈心一切平等。眞即菩提自現。若懷彼我二心。對面不見佛面。」(T51-449c)

【沙鹵】 69-05/423b-23

『漢書』卷94下 匈奴傳「胡地沙鹵。多乏水草。以往事揆之。軍出未滿百日。牛必物故且盡。餘糧尚多。人不能負。此三難也。」師古曰。物故謂死也。

【仙陀婆】 69-09/424a-01

『景德傳燈錄』卷11「香嚴」問。如何是香嚴境。師曰。花木不滋。問。如何是仙陀婆。師敲禪床曰。過遮裏來。」(T51-284a)

【他被量數管住】 70-05/424a-05

前有「量數管他不著」。『戰國策』秦策「淖齒管齊之權。縮閔王之筋。縣之廟梁。宿昔而死。李兌用趙滅食。主父百日而餓死。」鮑彪注「管猶管之管。專之也。」 『鹽鐵論』復古第6「往者。豪強大家。得管山海之利。採鐵石鼓鑄。煮海爲鹽。一家聚衆。或至千餘人。大抵盡收放流人民也。」

【知他】 71-05/424a-12

『臨濟錄』「普化每日在街市。掣風掣顛。知他是凡是聖。言猶未了。普化入來。」 『傳燈錄』卷11「仰山」大地衆生。業識茫茫。無本可據。子作麼生知他有之與無。」

【沈空滯寂】 71-06/424a-13

『傳燈錄』卷6「大珠慧海」有律師法明。謂師曰。禪師家多落空。師曰。却是坐主家多落空。法明大驚曰。何得落空。師曰。經論是紙墨文字。紙墨文字者俱空。設於聲上建立名句等法。無非是空。坐主執滯教體。豈不落空。法明曰。禪師落空否。師曰。不落空。曰。何却不落空。師曰。文字等皆從智慧而生。大用現前。那得落空。法明曰。故知一法不達。不名悉達。師曰。律師不唯落空。兼乃錯用名言。法明作色問曰。何處是錯。師曰。律師未辨華竺之音。如何講說。曰。請禪師指出法明錯處。師曰。豈不知悉達是梵語邪。律師雖省過。而心猶憤然。具梵語。薩婆曷刺他悉陀。中國翻云。一切義成。舊云。悉達多。猶是訛略梵語也。」(T51-247a) 『傳燈錄』卷28「慧忠」常州僧靈覺問曰。發心出家。本擬求佛。未審如何用心即得。師曰。無心可用。即得成佛。曰。無心可用。阿誰成佛。師曰。無心自成。佛亦無心。曰。佛有大不可思議。爲能度衆生。若也無心。阿誰度衆生。師曰。無心是眞度生。若見有生可度者。即是有心。宛然生滅。曰。今既無心。能仁出世。說許多教迹。豈可虛言。師曰。佛說教亦無心。曰。說法無心。應是無說。師曰。說即無。無即說。曰。說法無心。造業有心否。師曰。無心即無業。今既有業。心即生滅。何得無心。曰。無心即成佛。和尚即今成佛未。師曰。心尚自無。誰言成佛。若有佛可成。還是有心。有心即有漏。何處得無心。曰。既無佛可成。和尚還得佛用否。師曰。心尚自無。用從何有。曰。茫然都無。莫落斷見否。師曰。本來無見。阿誰道斷。曰。本來無。莫落空否。師曰。空既是無。墮從何立。」

『馬祖の語録』9-2「所以聲聞悟迷。凡夫迷悟。聲聞不知聖心本無地位因果階級心量妄想。修因證果。住於空定。八萬劫二萬劫。雖即已悟。悟已却迷。諸菩薩觀如地獄苦。沈空滯寂。不見佛性。若是上根衆生。忽爾遇善知識指示。言下領會。更不歷於階級地位。頓悟本性。故經云。凡夫有反覆心。而聲聞無也。」

『傳心法要』2「無心者無一切心也。如如之體。內如木石。不動不搖。外如虛空。不塞不礙。無能所。無方所。無相貌。無得失。趨者不敢入此法。恐落空無棲泊處。故望崖而退。例皆廣求知見。」同5「凡夫取境。道人取心。心境雙忘。乃是眞法。忘境猶易。忘心至難。人不敢忘心。恐落空無撈摸處。不知空本無空。唯一眞法界耳。」神會『壇語』P84「只如凝心入定。墮無記空。」『圓覺經略疏鈔』卷10「非無記者。意顯不是一向趣寂沈空。無所鑒辨。故云無記。不同三性之中無記也。」(R1 5d13-17) 前見墮空 十七頁

【戲論之糞】73-02/424b-03

『維摩詰所說經』卷1「弟子品」「法無形相。如虛空故。法無戲論。畢竟空故。法無我所。離我所故。」(T14-540a) 『維摩詰所說經』卷2「不思議品」「夫求法者。無見苦求。無斷集求。無造盡證。修道之求。所以者何。法無戲論。若言我當見苦。斷集。證滅。修道。是則戲論。非求法也。」(T14-546a)

【大海不宿死屍】73-04/424b-04

『祖堂集』卷8「曹山」「問。華嚴經云。大海不宿死屍。如何是。大海。云。包含百有。如何是死屍。師云。絕氣者不著。僧云。既包含百有。絕氣者爲什麼不著。師云。大海非其功。絕氣者有其德。僧云。未審大海還有向上事也無。師云。道有道無即得。爭奈龍王安劍何。」『撫州曹山元證禪師語錄』卷1「問承教有言。大海不宿死屍。如何是海。師曰。包含萬有。僧云。爲什麼不宿死屍。師曰。絕氣者不著。僧云。既是包含萬有。爲什麼絕

氣者不著。師曰。萬有非其功。絕氣有其德。僧云。向上還有事也無。師曰。道有道無即得。爭奈龍王安劍何。」(T47-528c) 『大般涅槃經』卷18「梵行品」「耆婆。我聞如來不與惡人。同止坐起。語言談論。猶如大海不宿死屍。如鴛鴦鳥不住園廁。釋提桓因不與鬼住。鳩翅羅鳥不棲枯樹。如來亦爾。」(T13-724d) 『大方廣佛華嚴經』卷27「十地品」「佛子。譬如大海。以十相故。名爲大海。無有能壞。何等爲十。一。漸次深。二。不受死屍。三。餘水失本名。四。一味。五。多寶。六。極深難入。七。廣大無量。八。多身衆生。九。潮不失時。十。能受一切大雨無有盈溢。」(T09-575a) 『大智度論』卷4「序品」「如上言。三阿僧祇劫過名爲菩薩。三阿僧祇中。頭。目。髓。腦布施。心無有悔。是阿羅漢。辟支佛所不能及。如昔菩薩爲大薩陀婆。渡大海水。惡風壞船。語衆買人。捉我頭。髮。手。足。當渡汝等。衆人捉已。以刀自殺。大海水法不停死屍。即時疾風吹至岸邊。大慈如是而言非者。誰是菩薩。」(T25-91c)

【所以文殊執劍於瞿曇】74-06/424b-10

『絕觀論』34「問曰。道若遍者。何故煞人有罪。煞草木無罪。答曰。夫言罪不罪者。皆是就情約事。非正道也。但爲世人不達道理。妄立我身。煞即有心。心結於業。即云有罪。草木無情。本來合道理。無我故。煞者不計。即不論罪與非罪。凡夫無我合道者。視形如草木。被斫如斫各林。故文殊執劍於瞿曇。鴛掘持刀於釋氏。此皆合道同證。無生不生。了知幻化虛無。故即不論罪與非罪。」『臨濟錄』「道流。莫將佛爲究竟。我見猶如廁孔。菩薩羅漢。盡是枷鎖。縛人底物。所以文殊仗劍。殺於瞿曇。鴛掘持刀。害於釋氏。」『祖堂集』卷8「曹山」「問。文殊爲什麼仗劍於瞿曇。師云。爲闍梨今時。進曰。如來爲什麼却稱善善。師云。大悲覆護群生。云。未審殺盡後如何。師云。方識不死者。僧云。只如不死者。爲瞿曇是什麼眷屬。師云。與闍梨安名即得。只恐不成眷屬。」

【慕直悟解】 75-07/424b-18

『傳燈錄』卷10「趙州」「有僧遊五臺。問一婆子云。臺山路向什麼處去。婆子云。慕直去。僧便去。婆子云。又恁麼去也。其僧舉似師。師云。待我去勘破這婆子。師至明日。便去問。臺山路向什麼處去。婆子云。慕直去。師便去。婆子云。又恁麼去也。師歸院謂僧云。我為汝勘破這婆子了也。」『同』卷27「諸方雜舉徵拈代別語」「昔有三僧雲遊。擬謁徑山和尚。遇一婆子。時方收稻次。一僧問曰。徑山路何處去。婆曰。慕直去。僧曰。前頭水深過得否。曰。不濕脚。僧又問。上岸稻得恁麼好。下岸稻得恁麼怯。曰。下岸稻總被蠅喫却也。僧曰。太香生。曰。勿氣息。僧又問。婆住在什麼處。曰。只在這裏。三僧乃入店內。婆煎茶一餅將盞子三箇安盤上。謂曰。和尚有神通者即喫茶。三人無對。又不敢傾茶。婆曰。看。老婆自逞神通也。於是便拈盞子。傾茶行。」『六祖大師法寶壇經』卷1「師曰。汝師戒定慧接大乘人。吾戒定慧接最上乘人。悟解不同。見有遲疾。汝聽吾說。與彼同否。吾所說法。不離自性。離體說法。名為相說。自性常迷。須知一切萬法。皆從自性起用。是真戒定慧法。」(T48-358c) 『雲仙雜記』卷2「碎金面棋盤」「蘇尚書八十猶參禪。大訪之。以手拍碎金面棋盤。尚書尋有悟解。」『舊相禪學錄』

【瓔珞莊嚴具】 76-06/425a-01

『妙法蓮華經』卷2「信解品」「世尊。爾時窮子備貨展轉遇到父舍。住立門側。遙見其父。踞師子床。寶机承足。諸婆羅門。利。居士皆恭敬圍繞。以真珠瓔珞。價直千萬。莊嚴其身。吏民。僮僕。手執白拂。侍立左右。」(T09-16c) 『妙法蓮華經』卷2「信解品」「爾時窮子先取其價。尋與除糞。其父見子。愍而怪之。又以此曰。於窗牖中遙見子身。羸瘦憔悴。糞土塵空。穢不淨。即脫瓔珞。細軟上服。嚴飾之具。更著麤弊垢膩之衣。塵土盈身。右手執持除糞之器。狀有所畏。」(T09-17a)

【摩訶衍】 77-07/425a-09

『一切經音義』卷21「賢首菩薩品上」「摩訶衍 具云。摩訶衍那。言摩訶者。此云大也。衍那云乘也。」(T54-40a)

【不是冥寞】 78-03/425a-15

顏延之「拜陵有作」「衣冠終冥漠。陵邑轉葱青。松風遵路急。山煙冒壘生。」李善注。漢書曰。自高祖已下。各自君陵傍立廟。月一遊衣冠。弔魏武文曰。悼絲惠帳之冥漠。漢書景帝紀曰。作陽陵。張晏曰。景帝作壽陵。起邑。南都賦曰。章陵鬱以青葱。劉良注。冥漠虛無也。(『文選』卷23) 後以冥寞謂死亡。

【執勞負重】 78-09/425a-21

六十頁「牽犁負重」「宋書」卷56 謝瞻傳「所生母郭氏。久嬰痼疾。晨昏温清。嘗藥捧膳。不闕一時。勤容戚顏。未嘗暫改。恐僕役營疾懈怠。躬自執勞。母為病畏驚微踐過甚。」P.1558

【五十二禪那數】 81-03/425b-10

蓋謂菩薩五十二位。如十信心・十心住・十廻向心・十地心・等覺・妙覺乎。『菩薩瓔珞本行經』T24-1011,1017etc參照。『瑜伽師地論』卷33「言靜慮者。於一所緣。繫念寂靜。正審思慮。故名靜慮。」(T30-467c) 慧琳『一切經音義』卷21「禪那。此云靜慮。謂靜心思慮也。舊翻為思惟修者。略也。」(T54-439b)

【遊戲神通】 81-07/425b-15

『大智度論』卷7「序品」「問曰。但當出生此三昧。何以故復遊戲其中。答曰。菩薩心生諸三昧。欣樂出入自在。名之為「戲」。非結愛戲也。「戲」名自在。如師子在鹿中。自在無畏故。名為「戲」。是諸菩薩於諸三昧有自在力。能出能入。亦能如是。」(T25-110c) 『注維摩詰經』卷5「文殊師利問疾品」「諸佛祕藏無

不得入。降伏衆魔。遊戲神通。其慧方便。皆已得度。」「什曰。神通變化。是為遊引物。於我非真。故名戲也。復次神通雖大。能者易之。於我無難。猶如戲也。亦云。於神通中。善能入住。自在無礙。肇曰。遊通化人。以之自娛。其慧方便。皆已得度。」(T38-371a) 『維摩義記』卷1「方便品」「遊戲神通。是十地中神通大也。化用難測。名之為神。神而無壅。故說為通。於此神通歷涉名遊。出入無礙。如戲相似。故復名戲。逮諸總持。是十地中大陀羅尼也。獲無畏等。是十地中智慧大也。」(T38-440b)

【妙觀察智】 81-07/425b-15

『大乘本生心地觀經』卷2「報恩品」「爾時。菩薩入金剛定。斷除一切微細所知諸煩惱障。證得阿耨多羅三藐三菩提。如是妙果。名現報利益。是真報身。有始無終。壽命劫數。無有限量。初成正覺窮未來際。諸根相好徧周法界。四智圓滿。是真報身。受用法樂。一。大圓鏡智。轉異熟識。得此智慧。如大圓鏡現諸色像。如是如來鏡智之中。能現衆生諸善惡業。以是因緣。此智名為大圓鏡智。依大悲故。恆緣衆生。依大智故。常如法性。雙觀眞俗。無有間斷。常能執持。無漏根身。一切功德為所依止。二。平等性智。轉我見識。得此智慧。是以能證自他平等。無二我性。如是名為平等性智。三。妙觀察智。轉分別識。得此智慧。能觀諸法。自相共相。於衆會前。說諸妙法。能令衆生得不退轉。以是名為妙觀察智。四。成所作智。轉五種識。得此智慧。能現一切種種化身。令諸衆生成熟善業。以是因緣。名為成所作智。如是四智而為上首。具足八萬四千智門。如是一切諸功德法。名為如來自受用身。」(T03-298c)

【三際】 81-09/425b-17

『阿毘達磨俱舍論』卷9「分別世品」「言三際者。一前際。二後際。三中際。即是過未及現三生。」(T29-48a) 『俱舍論頌疏論

本』卷9「分別根品二之一」「言三際者。一前際。即是過去。二後際。即是未來也。三中際。謂現在世也。」(T41-871a)

【三輪空】 81-09/425b-18 織田668-3*1803-2

『大方廣佛華嚴經』卷30「佛不思議法品」「一切諸佛。內身清淨。隨順三世。一切諸佛。悉有三輪內法。教化衆生。一切諸佛。悉有內深智慧陀羅尼。分別一切佛法。」(T09-591b) 『金光明經文句記』卷1「佛身口意。隨智慧行。無有過失。名三無失。以無失故。不須防護。名三不護。身業現化。名神通輪。口業說法。名正教輪。意業鑑機。名記心輪。三皆摧碾衆生惑業。下地不測。故名三密。」(T39-96a)

【檀空】 82-02/425b-18

『大智度論』卷12「序品」「復次。檀有三種。一者。物施。二者。供養恭敬施。三者。法施。云何物施。珍寶。衣。食。頭。目。髓。腦——如是等一切內。外所有。盡以布施。是名物施。恭敬施者。信心清淨。恭敬禮拜。將送迎逆。讚遠供養——如是等種種。名為恭敬施。法施者。為道德故。語言論議。誦讀講說。除疑問答。授人五戒——如是等種種。為佛道故施。是名法施。是三種施滿。是名檀波羅蜜滿。」(T25-146c)

【空無諸漏】 82-04/425b-19

『注維摩詰經』卷9「菩薩行品」「觀於空無。而不捨大悲。」肇曰。諸法之相。唯空唯無。然不以空無捨於大悲也。」(T38-409a)

【母子俱喪】 84-09/426a-15

『出曜經』卷6「無放逸品」「時師子獸王審知鹿母不能離子。時往搏撮。鹿母子俱喪。所以然者。以其鹿母戀其子故。師子得便。」(T04-640b)

【見否】 86-08/426b-04

『仁入四行論』48節「復次不見見。不見不見。是名見法。不知知。不知不知。是名知法。如是解者。亦名妄想。」P.188

【般若火】 90-02/426b-21

『佛說寶雨經』卷4「云何菩薩如火火聚。善男子。譬如有人為極寒苦之所逼迫。然大火聚。得離寒苦。菩薩如是。若諸有情為煩惱寒苦之所逼迫。以般若火令得銷滅。是名菩薩如火火聚。」(T16-298a)

【是燒手指】 90-03/426b-21

『妙法蓮華經』卷6「藥王菩薩本事品」若有發心欲得阿耨多羅三藐三菩提者。能燃手指。乃至足一指。供養佛塔。勝以國城。妻子。及三千大千國土山林河池。諸珍寶物。而供養者。若復有人。以七寶滿三千大千世界。供養於佛。及大菩薩。辟支佛。阿羅漢。是人所得功德。不如受持此法華經。乃至一四句偈。其福最多。」(T09-54a) 『歷代寶法記』14「尋師訪道。周游涉歷。乃到資州德純寺。和上有疾。遂不出見。便燃一指為燈。供養唐和上。」P.142 韓愈「論佛骨表」皆云。天子大聖。猶一心敬信。百姓何人。豈合更惜身命。焚頂燒指。百十為羣。解衣散錢。自朝至暮。轉相倣效。惟恐後時。」『昌黎集』卷39 李翱「韓吏部行狀」時百姓。有燒指與頂。以祈福者。公奏疏言。『李文公集』卷11 同「隴西李府君墓誌銘」弟遇疾暴卒。別駕燒一指以禱於神。既而弟復生。自說方就繫。上帝有命。以兄燒指。宜復其生。」『李文公集』卷15

【是不惜軀命】 90-03/426b-22

『妙法蓮華經』卷2「譬喻品」若人精進。常修慈心。不惜身命。乃可為說。」(T09-16a) 『妙法蓮華經』卷4「提婆達多品」吾於過去無量劫中。求法華經。無有懈倦。於多劫中常作國王。發

願求於無上菩提。心不退轉。為欲滿足六波羅蜜。勤行布施。心無吝惜。象。馬。七珍。國。城。妻。子。奴婢。僕從。頭。目。髓。腦。身。肉。手。足。不惜軀命。」(T09-34b) 『妙法蓮華經』卷4「勸持品」雖難可教化。我等當起大忍力。讀誦此經。持說。書寫。種種供養。不惜身命。」(T09-36a) 『維摩詰所說經』卷2「不思議品」維摩詰言。唯。舍利弗。夫求法者。不貪軀命。何況床座。夫求法者。非有色。受。想。行。識之求。非有界。入之求。非有欲。色。無色之求。」(T14-546a)

【是掌世界於他方】 90-03/426b-23

『維摩詰所說經』卷2「不思議品」舍利弗。住不可思議解脫菩薩。斷取三千大千世界。如陶家輪。著右掌中。擲過恆河沙世界之外。其中眾生。不覺不知己之所往。又復還置本處。都不使人有往來想。而此世界本相如故。」(T14-546c)

【是納須彌於芥子中。……是悉能吸四大海水入口中】 90-09/427a-05

『維摩詰所說經』卷2「不思議品」唯。舍利弗。諸佛菩薩。有解脫。名不可思議。若菩薩住是解脫者。以須彌之高廣內芥子中無所增減。須彌山王本相如故。而四天王。忉利諸天不覺不知己之所入。唯應度者乃見須彌入芥子中。是名住不思議解脫法門。又以四大海水入一毛孔。不燒魚。鼈。龜。鼉。鼉水性之屬。而彼大海本相如故。諸龍。鬼神。阿修羅等。不覺不知己之所入。於此眾生亦無所燒。」(T14-546b)

【是納一切火於腹中】 91-05/427a-08

『維摩詰所說經』卷2「不思議品」舍利弗。十方世界所有諸風。菩薩悉能吸著口中。而身無損。外諸樹木。亦不摧折。又十方世界劫盡燒時。以一切火內於腹中。火事如故。而不為害。」(T14-546c)

【刮削併當】 91-07/427a-09

『史記』卷130「太史公自序」墨者亦尚堯舜道。言其德行曰。堂高三尺。土階三等。茅茨不翦。采椽不刮。」索隱「韋昭云。采椽。櫟榱也。」正義「採取為椽。不刮削也。」P.3290 『論衡』「量知」人未學問曰矇。矇者。竹木之類也。夫竹生於山。木長於林。未知所入。截竹為筒。破以為牒。加筆墨之跡。乃成文字。大者為經。小者為傳記。斷木為槩。蹴之為板。力加刮削。乃成奏牘。」P.551 刮削併當 前見五十九頁

【前念不生】 91-10/427a-12

『馬祖の語録』「前念後念中念。念念不相待。念念寂滅。喚作海印三昧。」『禪源諸詮集都序』卷2「頓悟頓修者。此說上上智根性。樂欲俱勝。一聞千悟。得大總持。一念不生。前後際斷。此人三業唯獨自明了。餘人所不見。且就事跡而言之。如牛頭融大師之類也。」(T48-407c)

【無神通菩薩。足跡不可尋】 96-02/427b-16

『天聖廣燈錄』卷8「黃檗禪師」「夫學道者。先須併却雜學諸緣。決定不求。決定不著。聞甚深法。恰似清風屈耳。瞥然而過。更不追尋。是為甚深。入如來禪。離生禪想。從上祖師。唯傳一心。更無異法。指心是佛。頓超等妙二覺之表。決定不流至第二念。始似入我宗門。如斯之法。汝取次人到者裏。擬作麼生學。所以道。擬心時。被擬心魔縛。非擬心時。又被非擬心魔縛。非非擬心時。又被非非擬心魔縛。魔非外來。出自儻心。唯有無神通菩薩足跡不可尋。」(R135-660a)

【十句濁】 97-09/428a-04

『一入四行論』48節「即心無心。心無心故名為法心。今時行者。以此破一切惑。心如虛空。不可破壞。故名為金剛心。心不住住。不住不住。故名為般若心。心性廣大。運用無方。故名為摩訶衍

心。心體開通。無障無礙。故名為菩薩心。心無崖畔。亦無方所。心無相故。無非有邊。用而不廢。故非無邊。非有際非無際。故名為實際心。心無異無不異。即心無體。不異而無不體。非不異無異不異。故名為如心。即心無變名異。隨物而變名無異。亦名真如心。心非內外中間。亦不在諸方。心無住處。是法住處。法界住處。亦名法界心。心性非有非無。古今不改。故名為法性心。心無生無滅。故名為涅槃心。若作如此解者。是妄想顛倒。不了自心現境界。名為波浪心。」P.188

【比量智】 98-06/428a-10

『因明入正理論』卷1「言比量者。謂藉眾相而觀於義。相有三種。如前已說。由彼為因。於所比義有正智生。了知有火或無常等。是名比量。於二量中即智名果。是證相故。如有作用而顯現故。亦名為量。」(T32-12b)

【耶輸陀羅】 101-04/428b-10

『妙法蓮華經』卷1「序品」「經。羅睺羅母(至)亦與眷屬俱。」贊曰。四內眷諸尼眾也。梵云耶戍達羅。此云持譽。耶輸陀羅訛也。形容美麗。近遠聞知。生育羅睺。天人讚詠。故名持譽。譽美稱也。相傳釋云。是乾闥婆女。彼生兒為樂神。生女為玉女也。若稱玉女。何得有子。又佛出家後。持譽父母欲得將還。明非玉女。未曾有經。須達拏經。瑞應經皆云。羅睺是瞿姨之子。佛有三夫人。一瞿姨。二耶輸。三鹿野。各有二萬姝女。瞿姨無子是玉女。彼經從長母為名。亦無過失。又經云。佛有三子。一善星。二優婆摩耶。三羅睺。故涅槃云。善星比丘。菩薩在家之子。」(T34-671b)

【八相成道】 101-04/428b-10

『大乘起信論』卷1「以見法身故。隨其願力能現八種利益眾生。所謂從兜率天退。入胎。住胎。出胎。出家。成道。轉法輪。入

於涅槃。」(T32-581a)

【照破兩頭事】101-07/428b-12

『景德傳燈錄』卷5「慧能」「簡曰。明智慧。暗況煩惱。修道之人。儻不以智慧照破煩惱。無始生死。憑何出離。師曰。若以智慧照煩惱者。此是二乘小兒。羊鹿等機。上智大根。悉不如是。」(T51-236a) 『六祖大師法寶壇經』卷1「簡曰。明智慧。暗煩惱。修道之人。倘不以智慧照破煩惱。無始生死。憑何出離。師曰。煩惱即是菩提。無二無別。若以智慧照破煩惱者。此是二乘見解。羊鹿等機。上智大根。悉不如是。」(T48-360a)

【婆伽婆】104-03/429a-04

『一切經音義』卷10「能斷金剛般若波羅蜜多經」「薄伽伴注云。梵語或云薄伽梵。或云婆伽婆。或云薄伽跋帝。皆佛第十號也。」(T54-368c)

【如乘死屍過岸。如在牢獄。廁孔得王】105-02/429a-10

『大般涅槃經』卷21「光明遍照高貴德王菩薩品」「善男子。譬如有人墮大海水。抱持死屍。則得度脫。菩薩摩訶薩修大涅槃。行布施時。亦復如是。如彼死屍。善男子。譬如有人閉在深獄。門戶堅牢。唯有廁孔。便從中出。到無礙處。菩薩摩訶薩修大涅槃。行布施時。亦復如是。」(T12-493a)

『前回補足』

【了義經不了義經】01-08/415a-06

『大方廣圓覺修多羅了義經略疏』卷1「清涼大師答順宗皇帝所問諸經了義云。佛一代教。若約本爲一事。則八萬度門。莫非了

義。若圓器受法。無法不圓。得之由人。亦皆爲了義。此二不足簡別。今約開方便門。示真實相。則有了不了。故淨名涅槃寶積等經皆云。依了義經。不依不了義經。不了義經。謂小乘教。了義經者。謂大乘教。(T39-528a)

【如云佛地斷二愚。一微細所知愚。二極微細所知愚】06-01/415b-08

【妙觀察智】81-07 注所引『大乘本生心地觀經』參照

【說他者箇人退不得】11-03/416a-11

『景德傳燈錄』卷29 誌公和尚「十四科頌」「色空不二」「法性本無青黃。衆生謾造文章。吾我說他止觀。自意擾擾顛狂。不識圓通妙理。何時得會眞常。自疾不能治療。却教他人藥方。外看將爲是善。心內猶若豺狼。愚人畏其地獄。智者不異天堂。對境心常不起。舉足皆是道場。佛與衆生不二。衆生自作分張。若欲除却三毒。迢迢不離災殃。智者知心是佛。愚人樂往西方。」(T51-451a)

【四弘誓願】16-10/416b-18

『大乘本生心地觀經』卷7「功德莊嚴品」「復次。善男子。一切菩薩復有四願。成熟有情。住持三寶。經大劫海。終不退轉。云何爲四。一者誓度一切衆生。二者誓斷一切煩惱。三者誓學一切法門。四者誓證一切佛果。善男子。如是四法。大小菩薩皆應修學。三世菩薩所學處故。」(T03-325b)

【墮空】17-10/417a-03

七十一頁 「沈空」注參照

【從苗辨地。從濁辨清】22-04/417b-14

『祖堂集』卷8「曹山」「問。古人道。從苗弃地。從語識人。只今語也。請師弁。師云。不弁。僧曰。爲什麼不弁。師云。不見

道曹山好手。」

【如救頭然】 32-04/419a-14

又云「救頭學道」。『出曜經』卷9「戒品」「漏盡意解者。意勇剛強。乃能盡漏。持心懈慢者。不能盡漏。不能精勤於行。是故退轉。墮於凡夫部。然彼行人晝夜精勤。如救頭然。持心勇捍。不慮嶮難。志崇斷結。滅漏爲先。是故說曰。漏盡意解也。」(T04-655c) 『禪宗永嘉集』卷1「精進則勤求至道。如救頭然。自行化他。那之頃無間。禪那則身心寂怕。安般希微。住寂定以自資。運四儀而利物。智慧則了知緣起。自性無生。萬法皆如。」(T48-392b)

【體結】 34-08/419b-06 96-09/427b-20

『大乘義章』卷5「第一釋名。所言障者。隨義不同。乃有多種。或名煩惱。或名爲使。或名爲結。或名爲纏。……如是非一。勞亂之義。名曰煩惱。隨逐繫縛。稱之爲使。結集生死。目之爲結。結縛衆生。亦名爲結。能纏行人。目之爲纏。」(T44-561b) 『大乘義章』卷9「言斷結者。煩惱闇惑。結集生死。名之爲結。又復煩惱結縛衆生。亦名爲結。解生結盡。目之爲斷。」(T44-641a)

【付度永亡】 34-02/419b-08

『毛詩』「小雅」「巧言」「他人有心。予忖度之。躍躍躡兔。遇犬獲之。」箋云。此四事者言各有所能也。因口能忖度讒人之心。故列道之爾。猷道也。大道治國之禮法。遇犬。犬之馴者。謂田犬也。」(974)

【緣念】 42-04/420b-07

『楞伽師資記』「普賢觀經云。一切業障海。皆從妄相生。若欲懺悔者。端坐念實相。是名第一懺。併除三毒心。攀緣心。覺觀心。念佛心心相續。忽然澄寂。更無所緣念」(T85-1287a) 『景

德傳燈錄』卷6「百丈山懷海禪師」「僧問。如何是大乘頓悟法門。師曰。汝等先歇諸緣。休息萬事。善與不善。世出世間。一切諸法。莫記憶。莫緣念。放捨身心。令其自在。心如木石。無所辯別。心無所行。心地若空。慧日自現如雲開日出相似。俱歇一切攀緣。貪瞋愛取。垢淨情盡。對五欲八風。不被見聞覺知所縛。不被諸境所惑。自然具足神通妙用。是解脫人。……縱有福智多聞。都不相救。爲心眼未開。唯緣念諸境。不知返照。復不見佛道。」(T51-250a)

【省我心力】 44-01/420b-21

『傳心法要』8「師曰。若與麼。則省心力。」『景德傳燈錄』卷28「南泉普願和尚」「看他江西老宿在日。有一學士問。如水無筋骨。能乘萬斛舟。此理如何。老宿云。遮裏無水亦無舟。論什麼筋骨。兄弟他學士。便休去。可不省力。」(T51-445c)

【玄解自理】 44-04/420b-23

『景德傳燈錄』卷28「汾州大達無業國師」「他說法如雲如雨。猶被佛呵云。見性如隔羅縠。只爲情存聖量。見在果因。未能超越聖情。過諸影跡。先賢古德。碩學高人。博達古今。洞明教網。蓋爲識學詮文。水乳難辨。不明自理。念靜求真。嗟乎。得人身者如爪甲上土。失人身者如大地上。良可傷哉。」(T51-444c)